

Viðskiptaskilmálar Hagkaupskortsins

1 Útgáfa korts, gildistími

- Hagkaupskortið er gefið út af Borgun hf., hér eftir nefnt Borgun, til tveggja ára í senn og stofnast þá kortareikningur. Hagkaupskortin eru eingöngu ætluð til notkunar í verslunum Hagkaups og Stórkaups, samkvæmt ákvæðum viðskiptaskilmála þessara, notkunarheimildum og reglum um kortið eins og þær eru á hverjum tíma. Standi korthafi við skuldbindingar sínar er kort hans endurnýjað, án umsóknar.
- Borgun áskilur sér rétt til að leita allra upplýsinga sem að þess mati eru nauðsynlegar til að afgreiða umsókn og gefa út Hagkaupskort. Borgun áskilur sér einnig rétt til að hafna umsókn án þess að tilgreina ástæðu.
- Unnt er að fá útgefið aukakort á sama reikning með samþykki reikningshafa. Viðskiptaskilmálar þessir gilda einnig fyrir handhafa slíks aukakorts.
- Öll Hagkaupskort eru með mynd af korthafa, nema handhafakort. Korthafi þarf að leggja fram mynd sem varðveitt er í gagnagrunni Reiknistofa bankanna (RB), sé mynd ekki þar til staðar.

2 Samþykki

- Áður en umsækjandi um Hagkaupskortið undirritar umsóknina, ber honum að kynna sér vandlega viðskiptaskilmála þessa. Með undirritun umsóknar um Hagkaupskort og / eða fyrstu notkun kortsins samþykkir korthafi að fara eftir reglum og skilmálum um notkun kortsins sem og skilmálum gildandi gjaldskrár á hverjum tíma.

3 Almenn notkun kortsins

- Korthafi hefur einn heimild til að nota kortið.
- Korthafi skuldbindur sig til að fara ekki umfram heimilud úttektarmörk sín á hverjum tíma.
- Hagkaupskort er einungis heimilt að nota með lestri upplýsinga af segulrönd þess á rafrænan hátt. Heimilt er að gefa upp númer kortsins til greiðslu án rafrænnar notkunar þess hjá Hagkaup.
- Korthafi skuldbindur sig til að varðveita kortið þannig að óviðkomandi aðili geti ekki komist yfir það, enda ber honum að gæta þess á sama örugga hátt og peninga, tékka eða annarra verðmæta.

4 Kortaviðskipti og greiðsluskil

- Almennt úttektartímabil er frá 18. degi mánaðar til 17. dags næsta mánaðar að báðum dögum meðtöldum eða frá 1. degi mánaðar til 31. dags mánaðar.
- Korthafi skuldbindur sig til að greiða að fullu allar þær úttektir af kortareikningi sínum sem gerðar eru með kortum sem löglega hafa verið gefin út á reikninginn. Skuldbindingin tekur til allra úttekta samkvæmt úttektarseðlum sem korthafi hefur áritað.
- Aukakorthafi ber ábyrgð á greiðslu úttekta sinna á kortareikningnum til jafns á við aðalkorthafa.

5 Eindagi greiðslna

- Borgun sendir korthöfum mánaðarlega reikningyfirlit. Eindagi greiðslna er 2. dagur hvers mánaðar eftir að úttektartímabili lauk eða 17. dagur mánaðar eftir að úttektartímabili lauk.
- Hafi greiðsla ekki borist Borgun á eindaga, reiknast vanskilavextir, eins og þeir eru auglýstir af Seðlabanka Íslands hverju sinni, af úttektum frá eindaga til greiðsludags. Borgun áskilur sér rétt til að loka fyrir frekari viðskipti með kortið, þar til gjaldfallin skuld á kortinu hefur verið að greidd að fullu. Hafi skuld ekki verið greidd 60 dögum eftir eindaga, verður Hagkaupskortið afturkallað og lögfræðingi falin skuldin til innheimtu á kostnað korthafa.
- Ef svo hefur verið um samið að skuldfæra skuli af reikningi korthafa vegna skuldar og ekki reynist vera næg innistæða á skuldfærslureikningi á skuldfærsludegi, verður reynt áfram að skuldfæra vegna skuldar til 6. dags mánaðar.

6 Villur og athugasemdir

- Ef korthafi hefur athugasemdir varðandi reikningsyfirlit sitt, skulu slíkar athugasemdir tilkynntar skrifstofu Borgunar fyrir eindaga. Annars skoðast reikningsyfirlitið staðfest af korthafa.
- Borgun tekur ekki ábyrgð á gallaðri vöru sem tekin er út á Hagkaupskort. Kvörtunum vegna slíks skal beina til viðkomandi seljanda

7 Glatað kort

- Ef Hagkaupskort glatast skal korthafi tafarlaust tilkynna það skrifstofu Borgunar. Sé tilkynnt símileiðis um tap á korti skal staðfesta slíka tilkynningu skriflega innan 3ja virkra daga á eyðublaði hjá Borgun. Eftir það getur korthafi fengið útgefið nýtt kort gegn greiðslu endurútgáfugjalds.
- Korthafi skal þar til tilkynning hans berst útgefanda, bera það tjón sem hann hefur orðið fyrir vegna taps, þjófnaðar, eða fölsunar á kortinu, en þó ekki vegna fjárhæðar hærrí en sem nemur 140 ECU í hverju tjónstilviki, nema ef um hefur verið að ræða stórfellt gáleysi eða svik af hans hálfu.
- Óheimilt er að nota Hagkaupskort eftir að það hefur verið tilkynnt glatað. Slíkt kort skal senda sundurklippt til Borgunar.

8 Þjónustugjöld/gjaldskrá

- Við útgáfu Hagkaupskorts í fyrsta sinn greiðir korthafi sérstakt stofngjald, fullt gjald vegna aðalkorts en hálf tveggja gjald vegna aukakorts samkvæmt gjaldskrá.
- Vegna endurútgáfu glataðs korts greiðist hálf stofngjald aðalkorts, hvort sem um er að ræða aðalkort eða aukakort.
- Útskriftargjald er innheimt af Borgun fyrir útsenda giró- og skuldfærsludeila.
- Að öðru leyti gildir gjaldskrá sjá [www.hagkaup.is](#) og [www.borgun.is](#)

9 Afturköllun og ógilding

- Hagkaupskortið er eign Borgunar og má innkalla það án fyrirvara, komi til misnotkunar eða vanskila hjá korthafa.
- Innkalli Borgun Hagkaupskortið skal korthafi tafarlaust klippa kortið og senda til Borgunar. Aldrei má taka út á kort sem innkallað hefur verið af Borgun. Hagkaup hefur fulla heimild til að taka í sína vörslu innkallað Hagkaupskort.
- Óheimilt er að nota Hagkaupskort eftir að gildistími þess er útrunninn eða það hefur verið ógilt. Misnotkun kortsins varðar við lög m.a. 249. gr. alm. hgl.

10 Persónuvernd

- Í tölvukerfi Borgunar hf. verða upplýsingar um korthafa, aukakorthafa og ábyrgðarmenn. Upplýsingar sem hér um ræðir eru m.a. kennitala, heimilisfang og aðrar þær upplýsingar sem aðilar hafa veitt útgefanda með útfyllingu eyðublaða og forma útgefanda.
- Allar upplýsingar um kortareikninga og notkun korta eru vistaðar í tölvukerfi Borgunar hf.
- Vinnsla og geymsla upplýsinga skal vera í samræmi við það sem nauðsynlegt er til starfrækslu greiðslumiðlunar. Borgun hf. mun auk þess geta þess að vinnsla og vistun persónuupplýsinga sé ætíð í samræmi við gildandi lög og reglur.
- Ábyrgðaraðili vinnslu er Borgun hf.

11 Uppsögn

- Vilji korthafi segja upp viðskiptum sínum skal það gert skriflega a.m.k. einum mánuði fyrir lok gildistíma kortsins. Korthafi skal skila kortinu sundurklipptu til Borgunar.
- Borgun getur hvenær sem er sagt upp viðskiptum við korthafa og innkallað útgefið kort.

12 Breytingar á skilmálum

- Borgun áskilur sér allan rétt til breytinga á skilmálum þessum. Breytingar skulu tilkynntar korthafa ekki síðar en 15 dögum áður en breyttir skilmálar taka gildi. Í tilkynningu um breytta skilmála skal taka fram í hverju breytingarnar felast og á rétti korthafa til að slíta viðskiptum. Sé Hagkaupskort notað eftir að breyttir skilmálar taka gildi telst korthafi samþykkur breytingunni. Útsending nýrra viðskiptaskilmála í almennum pósti telst nægileg tilkynning samkvæmt framansögðu.
- Fallist korthafi ekki á breytta viðskiptaskilmála, getur hann slitið viðskiptum með því að klippa í sundur Hagkaupskortið og senda það sundurklippt til Borgunar.

13 Tilkynningar og gildandi lög

- Korthafi skal tafarlaust tilkynna Borgun verði breyting á heimilisfangi hans.
- Um túlkun viðskiptaskilmála þessara, sem og úrlausn mála sem upp kunna að rísa vegna notkunar Hagkaupskortsins skal fara eftir íslenskum lögum.
- Kröfumál gegn korthafa vegna viðskipta hans með Hagkaupskortið, má reka gegn honum í því landi þar sem hann telst hafa fasta búsetu hverju sinni, skv. 2. mgr. 1.gr. 1. nr. 21/1990 um lögheimili.
- Mál sem rísa vegna brota á skilmálum þessum skal reka fyrir Héraðsdómi Reykjavíkur.

Skilmálar þessir taka gildi þann 1. apríl 2008.